

sciente, vel indicis, vel præumptionibus illi æquipollentibus.

Occultum triplex, 1. quod non est probabile suapte natura, ut sunt sola mentalia, 2. licet sua natura sit probabile, tamen non potest probari, ut quia coram nemine factum est.

Tertium, quod potest quidem probari, sed adeo a paucis, quod non sit orta fama nec in iudicium deductum.

Delictum ut dicatur publicum, non sufficit actum esse publicum, nisi sciatur esse delictum, ut si excommunicatus secretus publice dicit missam coram populo, actus est publicus, sed delictum non est publicum, quia nescitur.

DE SEX CASIBVS QVIBVS polluitur Ecclesia ita, ut in ea non possit celebrari.

156 **P** R I M U S si intra eam sanguis humanus iniuriöse effunditur, aut causa naturalis eius effusionis, vel mortis datur. Si sic extra eam, vel super eam in tecto, vel subter eam in specu, non polluitur. Item si Ecclesia erat sacra debet reconciliari ab Episcopo cum aqua Benedicta a se vel ab alio Episcopo: si non erat sacra, potest à solo presbytero cum aqua ab eo benedicta. Nec sufficit effusio aliquarum guttarum sed requiritur largitas, & debet esse sanguinis humani, & iniuriösa; non si fiat ob iustam defensionem, vel ioco, & ludo licito, licite facto; nec effusio facta per furiosum, aut stultum, aut carentem iudicio puerum, nec si vulnus extra fuit datum, & intus effunditur sanguis; sed si e contra, sic. Nec si feratur intus sententia